

BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE  
DOM NARODA  
Broj: 02-02-457/08  
Sarajevo, 29.05.2008. godine

## Z A P I S N I K

### **12. SJEDNICE DOMA NARODA PARLAMENTA FEDERACIJE BOSNE I HERCEGOVINE, održane 23. aprila i 23. i 29. maja 2008. godine**

Sjednica je počela u 10.30.

Sjednici je predsjedavao Stjepan Krešić, predsjedavajući Doma naroda Parlamenta Federacije BiH.

Na početku sjednice predsjedavajući je pozdravio: delegate, potpredsjednicu Federacije Spomenku Mičić, premijera Vlade Federacije Nedžada Brankovića, zamjenika premijera Vjekoslava Bevandu, ministre u Vladi Federacije BiH, predstavnike udruženja branitelja, međunarodnih organizacija, goste i predstavnike akreditiranih medijskih kuća koji prate rad sjednice.

Na osnovu evidencije Stručne službe, predsjedavajući je konstatovao da sjednici prisustvuje 50 delegata, što čini većinu, te Dom naroda može raditi i punovažno odlučivati.

Izostanak sa sjednice je opravdao Jasenko Tufekčić.

Prije prelaska na rad delegati su usvojili Zapisnik 6. vanredne sjednice, održane 03. aprila. 2008. godine, sa primjedbom koju je dao Alija Begović. Primjedba se odnosi na izostavljanje Zaključka usvojenog kod razmatranja Prijedloga Zakona o izboru, prestanku mandata, opozivu i zamjeni načelnika općina u Federaciji Bosne i Hercegovine (predlagač: Jozo Ivančević, zastupnik u Predstavničkom domu), a koji glasi:

## Z A K L J U Č A K

Obavezuje se Vlada Federacije BiH da u roku od 60 dana pripremi i dostavi Parlamentu Federacije izmjene i dopune Zakona o izboru, prestanku mandata, opozivu i zamjeni načelnika općina u Federaciji BiH, a u duhu diskusija i ispravki koje su istaknute tokom pretresa.

Potom su delegati, bez primjedbi, usvojili Zapisnik 9. sjednice, održane 27. novembra 2007. godine kao i Zapisnik 11. sjednice, održane 13. i 14. marta i 03. aprila 2008. godine.

Nakon toga predsjedavajući je podsjetio delegate da, na osnovu člana 104. Poslovnika o radu Doma naroda, mogu postavljati delegatska pitanja, pokretati inicijative ili izraziti nezadovoljstvo dobijenim odgovorima.

### **Delegatska pitanja i inicijative**

**Muhamed Osmić** izrazio je nezadovoljstvo dobijenim odgovorima na jedan broj postavljenih pitanja te postavio dva pitanja.

Prvo pitanje uputio je Kolegiju Doma naroda - kada će se u dnevni red sjednice uvrstiti tačka Potvrđivanje zakona i drugih akata koje je proglasio Visoki predstavnik u Bosni i Hercegovini.

Drugo pitanje uputio je Federalnom ministarstvu pravde u vezi sa procedurom oko izmjene Zakona o granicama Općine Žepče.

**Elvira Abdić-Jelenović** izrazila je nezadovoljstvo dobijenim odgovorima na jedan broj postavljenih pitanja, te pokrenula inicijativu kojom bi Dom naroda naložio Vladi Federacije da mu dostavi izvještaj o svim pravnim radnjama preduzetim u vezi sa "Agrokomercom" d.d. od dana donošenja presude Doma za ljudska prava do danas.

**Dragomir Bilić** ponovo je postavio pitanje Vladi Federacije - kada će ukinuti svoju Odluku od 25. septembra 2003. godine kojom je predviđeno da Fond PIO za zdravstvenu zaštitu penzionera uplaćuje 1,2% umjesto zakonom predviđenih 13%.

Također, uputio je pitanje Vladi Federacije, resornom ministarstvu i Parlamentu Federacije u vezi sa preuzimanjem osnivačkih prava Kliničkog centra Univerziteta u Sarajevu i upitao kad će Klinički centar uraditi dopunu Statuta kako bi Bosanskohercegovački kanton uključio u suoosnivače.

**Besim Imamović** izrazio je nezadovoljstvo načinom na koji Vlada Federacije odgovara delegatima na postavljena delegatska pitanja. Tom prilikom postavio je pitanje premijeru Vlade Federacije, a odnosilo se na to kada će Vlada postupiti prema zaključcima Doma naroda, a u vezi sa donošenjem kriterija raspodjele budžetskih sredstava koji se odnose na kapitalne projekte.

**Tomo Vidović** zahvalio je na odgovorima koje je dobio od Federalnog ministarstva finansija i Federalnog ministarstva za rad i socijalnu politiku, ali je napomenuo da njegovo posljednje pitanje sa 11. sjednice nije bilo upućeno Federalnom ministarstvu za rad i socijalnu politiku, nego Vladi Federacije od koje očekuje odgovor. Pitanje se odnosi na mjere Vlade Federacije koje bi se trebale preduzeti s ciljem ublažavanja i zaustavljanja negativnih demografskih trendova.

**Saša Magazinović** izrazio je nezadovoljstvo zbog toga što Inicijativa za izmjenu Ustava Federacije Bosne i Hercegovine, koja se odnosi na učešće svih konstitutivnih naroda u došenju znamenja Federacije, nije još u parlamentarnoj proceduri.

Predložio je da se donese deklaracija o slobodnom novinarstvu.

**Alija Begović** pokrenuo je Inicijativu koju je uputio Federalnom ministarstvu zdravstva a odnosi se na racionaliziranje i uređenje tercijarne

zdravstvene zaštite za stanovnike, osiguranike i osigurana lica u Federaciji, koji ne žive u kantonima koji imaju univerzitetske kliničke centre. Tom prilikom upoznao je delegate sa određenim prijedlozima za rješavanje ovih problema.

**Ramo Isak** izrazio je nezadovoljstvo radom Vlade Federacije.

**Mislav Sučić** postavio je dva delegatska pitanja.

Prvo pitanje uputio je Federalnom ministru pravde, predsjednici i potpredsjednicima Federacije BiH, a odnosi se na ustavnost formiranja Ministarstva obrazovanja na nivou Federacije.

Drugo pitanje uputio je Federalnom ministarstvu poljoprivrede, vodoprivrede i šumarstva u vezi sa kašnjenjem davanja premija proizvođačima mlijeka i primjenom drugih poticajnih mjera u vezi sa proizvodnjom mlijeka.

**Besim Spahić** postavio je dva delegatska pitanja Vladi Federacije.

Prvo pitanje odnosi se na podatke o imovini, nekretninama, pokretnim stvarima i novčanim potraživanjima koji su vlasništvo privrednih društava sa područja Federacije u državama nastalim na području bivše SFRJ, a čija je imovina predmet utuženja firmi sa područja Federacije za povrat u posjed, odnosno naplate potraživanja. Upitao je da li je Vlada Federacije pokrenula sudske postupke kako bi se vratila ova imovina.

Drugo pitanje vezano je za potraživanja budžetskih korisnika na osnovu prava iz Općeg kolektivnog ugovora za Federaciju.

**Nikola Simić** postavio je pitanje koje se odnosi na saniranje dionice puta između Novog Travnika i Bugojna, odnosno Novog Travnika i Rostova.

**Zoran Budimić** postavio je tri pitanja i pokrenuo inicijativu.

Inicijativa se odnosi na formiranje lučke kapetanije u Orašju, te omogućavanje kontrole tehničke ispravnosti plovila i mogućnost polaganja ispita za upravljanje plovilima u Orašju.

Dva pitanja uputio je Federalnom ministarstvu poljoprivrede, vodoprivrede i šumarstva.

Prvo se odnosi na kašnjenje isplata poticaja poljoprivrednim proizvođačima soje u Posavskom kantonu.

Drugo se odnosi na trenutnu situaciju u vezi sa brucelozom, odnosno da li Ministarstvo raspolaže podacima o oboljelim ljudima i životinjama, te kakve su akcije poduzete i da li postoji koordinacija sa Ministarstvom poljoprivrede Republike Srpske.

Treće pitanje uputio je Federalnom ministarstvu prometa i komunikacija u vezi sa gradnjom autoputa Tuzla - Orašje.

**Kenan Keserović** postavio je pitanje Federalnom ministarstvu razvoja, poduzetništva i obrta kojeg pita da li je izradilo program razvoja tradicionalnih zanata i program potpore školama i obrtnicima.

**Denis Zvizdić** postavio je tri pitanja.

Prvo pitanje uputio je Federalnom ministarstvu razvoja, poduzetništva i obrta u vezi sa izradom i usvajanjem kriterija raspodjele sredstava sa Transfera za poticaj razvoja poduzetništva i obrta koji u budžetu Federacije iznosi 10 miliona KM.

Drugo pitanje postavio je Federalnom ministarstvu okoliša i turizma a tiče se izrade i usvajanja kriterija raspodjele sredstava sa Transfera za razvoj turizma i okoliša u Federaciji koji u budžetu iznosi 5,5 miliona KM.

Treće pitanje uputio je Federalnom ministarstvu prometa i komunikacija, a odnosi se na pripremu informacije o praktičnosti i efikasnosti implementacije Zakona o eksproprijaciji.

**Mladen Lonić** postavio je jedno pitanje i pokrenuo inicijativu.

Pitanje je upućeno Federalnom ministarstvu za izbjegla i raseljena lica, a odnosi se na elektrifikaciju podgrmečkih sela u Unsko-sanskom kantonu.

Inicijativom je zatražio od Vlade Federacije da sa Elektroprivredom BiH izvrši elektrifikaciju na cijelom području Federacije.

**Asim Mekić** postavio je pitanje Federalnom ministarstvu obrazovanja i nauke u vezi sa osnivanjem privatnih fakulteta i zatražio od njega da pokrene inicijativu za formiranje agencije za izradu zajedničkog jezgra u obrazovnom sistemu.

**Bojan Bošnjak** upitao je Federalno ministarstvo za rad i socijalnu politiku zašto se kasni sa izradom Strategije zapošljavanja u Federaciji Bosne i Hercegovine.

**Josip Perić** postavio je dva pitanja Vladi Federacije.

Prvo pitanje vezano je za zbrinjavanje medicinskog otpada, tj. da li postoji zakon koji bi sistemski riješio zbrinjavanje ovog otpada.

Drugo pitanje vezano je za rekonstrukciju azbestnih vodovodnih cijevi na području Federacije.

**Miro Lazović** postavio je dva delegatska pitanja.

Prvo pitanje postavio je Federalnom ministru pravde a odnosi se na stanje u Općinskom vijeću Glamoč i smjenu Emire Karaće, predsjedavajuće Općinskog vijeća Glamoč.

Drugo pitanje postavio je premijeru Vlade Federacije u vezi sa poštovanjem pravomoćne sudske presude koja se odnosi na vraćanje prostorija u zgradi zajedničkih institucija koje su namijenjene za rad parlamentarnih grupa.

**Asim Kamber** postavio je pitanje Miroslavu Lajčaku, visokom predstavniku, šta se čini da se zaštite prava povratnika i njihove vjerske i građanske slobode.

\* \* \*

Nakon postavljenih delegatskih pitanja i inicijativa premijer Nedžad Branković predložio je da se u dnevni red sjednice uvrste sljedeće tačke: Prijedlog Zakona o izmjenama i dopunama Zakona o pravima demobiliziranih branitelja i članova njihovih porodica, Prijedlog Zakona o izmjenama i dopunama Zakona o pripadnosti javnih prihoda u Federaciji BiH, Prijedlog Izmjena Budžeta Federacije BiH za 2008. godinu i Prijedlog Zakona o izmjenama i dopunama Zakona o izvršavanju Budžeta Federacije BiH za 2008. godinu sa prijedlogom da se razmatraju po hitnom postupku ili

da se odmah održi vanredna sjednica na kojoj bi se razmatrali ovi prijedlozi zakona.

Predsjedavajući je potom dao pauzu kako bi se Kolegij Doma naroda izjasnio o prijedlogu premijera.

Nakon pauze, potpredsjedavajući Doma naroda Besim Imamović, koji je tada predsjedavao sjednicom, obavijestio je delegate da je Klub delegata hrvatskog naroda zatražio pauzu kako bi obavio razgovor sa premijerom Brankovićem i ministrom finansija Vjekoslavom Bevandom u vezi sa ovim zakonima.

Josip Perić, predsjednik Kluba delegata hrvatskog naroda, izjavio je da oni nisu protiv branitelja, ali da treba utvrditi njihov stvarni broj i naći način kako bi se kantonima olakšalo njihovo finansiranje, jer se, prema njegovim riječima, Prijedlogom Zakona o izmjenama i dopunama Zakona o pripadnosti javnih prihoda u Federaciji BiH zadire u nadležnost kantona.

Nakon pauze, Josip Perić izjavio je da bi se ovi prijedlozi zakona trebali razmatrati na Vanrednoj sjednici, zakazanoj za 29. april 2008. godine, jer kantonalne skupštine trebaju dati mišljenje o ovim prijedlozima zakona.

Potom je predsjedavajući dao na glasanje prijedlog Kluba delegata hrvatskog naroda da se na Vanrednoj sjednici, zakazanoj za 29. april 2008. godine, razmatraju ovi prijedlozi zakona i konstatovao da prijedlog nije dobio potrebnu većinu glasova, jer je za glasalo 27 delegata.

Nakon toga je Josip Perić od sekretara Doma naroda zatražio da mu obrazloži član 90. Poslovnika o radu Doma naroda Parlamenta Federacije BiH.

Sekretar Doma naroda Izmir Hadžić je rekao da prema članu 86. stav 5. Poslovnika ne postoji smetnja da se odmah održi vanredna sjednica.

Potom je predsjedavajući dao na glasanje Inicijativu koju je pokrenula Elvira Abdić-Jelenović i konstatovao da je Dom naroda Parlamenta Federacije BiH većinom glasova usvojio sljedeću:

### **INICIJATIVU**

Dom naroda Parlamenta Federacije BiH nalaže Vladi Federacije BiH da mu dostavi izvještaj o svim pravnim radnjama preduzetim u vezi sa "Agrokomercom" d.d. od dana donošenja presude Doma za ljudska prava do danas.

U vezi sa Deklaracijom o slobodnom novinarstvu, koju je predložio Saša Magazinović, otvorila se rasprava u kojoj su učestvovali: Ivo Komšić, Dženana Zlatar i Saša Magazinović, koji je izjavio da prihvata primjedbe Dženane Zlatar i Ive Komšića.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH jednoglasno donio:

## **DEKLARACIJU O SLOBODNOM NOVINARSTVU**

Dom naroda Parlamenta Federacije BiH smatra da je za razvoj naprednog demokratskog društva kojem težimo od izuzetne važnosti kvalitetno i pravovremeno informiranje javnosti.

Mi, delegatkinje i delegati Doma naroda Parlamenta Federacije BiH, najoštrije osuđujemo sve postupke koji imaju za cilj uskraćivanje prava javnosti da bude informirana o svim relevantnim pitanjima u Bosni i Hercegovini. Posebno osuđujemo sve oblike kršenja Zakona o slobodi pristupa informacijama.

Pozivamo novinare da prihvate i obavežu se na odgovornost za javno izgovorenu riječ.

Dom naroda Parlamenta Federacije BiH naglašava važnost postojanja slobodnih i nezavisnih medija koji garantiraju pravo ljudi da budu potpuno informirani o pitanjima koja zanimaju javnost i koji imaju pravo istraživati rad vlasti i političkih stranaka.

Oštro osuđujemo sve vrste pritisaka na novinare u vršenju profesionalnih obaveza, te osuđujemo svaki vid povećanja trenda ograničenja novinarskih sloboda u procesu informiranja javnosti, uključujući i slučajeve praćenja novinara, te neopravdanog nadgledanja njihovog komuniciranja.

Također, oštro osuđujemo svaku zloupotrebu slobode i nezavisnosti medija i novinara i njihovog prava pristupu informacijama koje se koriste za manipulisanje činjenicama, plasiranje neistina i za neopravdanu javnu kampanju protiv pojedinaca i institucija.

Dom naroda Parlamenta Federacije BiH smatra nedopustivim svaku upotrebu sile i prijetnju fizičkom integritetu novinara, posebno od zvaničnika institucija vlasti. S tim u vezi, pozivamo nadležne institucije u Bosni i Hercegovini da pojedinačne slučajeve upotrebe sile i prijetnje novinarima promptno istražuju, rješavaju i informiraju javnost kako bi se sačuvao dignitet samih institucija vlasti u Bosni i Hercegovini.

Pozivamo sve organe vlasti na području Bosne i Hercegovine da poštuju Deklaraciju o zaštiti i promociji istraživačkog novinarstva, usvojenu od Komiteta ministara Vijeća Evrope, te da posebno obrate pažnju na dio koji govori o sigurnosti novinara, a koji glasi:

«Komiteta ministara Vijeća Evrope daje podršku istraživačkom novinarstvu koje je u službi demokratije. Pozivamo zemlje članice da zaštite i promoviraju istraživačko novinarstvo poštujući član 10. Evropske povelje o ljudskim pravima, odgovarajući Zakon o ljudskim pravima i druge standarde Vijeća Evrope u kontekstu da preduzmu, kada je potrebno, odgovarajuće mjere koje su osmišljene da osiguraju ličnu sigurnost medijskih profesionalaca, a posebno onih koji su uključeni u istraživačko novinarstvo i

brzo i efikasno riješe slučajeve nasilja nad novinarima ili zastrašivanja novinara.»

\* \* \*

Nakon donošenja Deklaracije predsjedavajući je obavijestio delegate da je Vlada Federacije dostavila Prijedlog Zakona o izmjenama i dopunama Zakona o utvrđivanju i načinu izmirenja unutrašnjih obaveza Federacije BiH i Prijedlog Zakona o izmjenama i dopunama Zakona o prostornom planiranju i korištenju zemljišta na nivou Federacije BiH sa prijedlogom da se razmatraju po hitnom postupku i konstatovao sljedeće:

- sa 51 glasom, Dom naroda je prihvatio da se Prijedlog Zakona o izmjenama i dopunama Zakona o utvrđivanju i načinu izmirenja unutrašnjih obaveza Federacije BiH razmatra po hitnom postupku,
- sa 44 glasa za, uz dva glasa protiv i uz pet uzdržanih glasova, Dom naroda je prihvatio da se Prijedlog Zakona o izmjenama i dopunama Zakona o prostornom planiranju i korištenju zemljišta na nivou Federacije BiH razmatra po hitnom postupku.

Predsjedavajući je obavijestio delegate da je Jasmin Duvnjak, zastupnik u Predstavničkom domu, dostavio Prijedlog Zakona o izmjenama i dopunama Zakona o prestanku primjene Zakona o napuštenim stanovima, sa prijedlogom da se razmatra po hitnom postupku.

Radoje Vidović upitao je sekretara Doma naroda da li su zastupnici Predstavničkog doma ovlašteni predlagači u Domu naroda na što je on odgovorio da oni nisu predlagači prema Poslovniku o radu Doma naroda, ali postoji ustaljena praksa prema kojoj oni mogu biti predlagači akata u Domu naroda.

Na osnovu rezultata poimeničnog glasanja, predsjedavajući je konstatovao da Dom naroda nije prihvatio da se Prijedlog Zakona o izmjenama i dopunama Zakona o prestanku primjene Zakona o napuštenim stanovima razmatra po hitnom postupku, jer je za glasalo 27 delegata, 15 delegata je bilo protiv, a 10 je bilo uzdržano. Prema tome, Prijedlog Zakona razmatrat će se u formi nacrtu Zakona.

Potom je predsjedavajući obavijestio delegate da je Asim Mekić, delegat u Domu naroda, dostavio Prijedlog Zakona o izmjenama i dopunama Zakona o pravima demobiliziranih branitelja i članova njihovih porodica, sa prijedlogom da se razmatra po skraćenom postupku.

Klub zastupnika BPS-a Sefer Halilović u Predstavničkom domu dostavio je Prijedlog Zakona o izmjenama i dopunama Zakona o registraciji poslovnih subjekata u Federaciji BiH, sa prijedlogom da se razmatra po skraćenom postupku.

Sa 31 glasom za, uz četiri glasa protiv i uz devet uzdržanih glasova, Dom naroda prihvatio je da se Prijedlog Zakona o izmjenama i dopunama Zakona o pravima demobiliziranih branitelja i članova njihovih porodica razmatra po skraćenom postupku.

Kolegij Doma naroda predložio je da se Prijedlog Zakona o izmjenama i dopunama Zakona o registraciji poslovnih subjekata u Federaciji BiH, koji je predložio Klub zastupnika BPS-a Sefer Halilović u Predstavničkom domu, razmatra u formi nacrtu kako ga je razmatrao i prihvatio Predstavnički dom. Također, Kolegij je predložio da se kao posljednja tačka uvrsti - Izbor i imenovanja.

Delegati su prihvatili ove prijedloge.

Potom je predsjedavajući dao na glasanje prijedlog premijera da se u dnevni red uvrste sljedeće tačke: Prijedlog Zakona o izmjenama i dopunama Zakona o pravima demobiliziranih branitelja i članova njihovih porodica, Prijedlog Zakona o izmjenama i dopunama Zakona o pripadnosti javnih prihoda u Federaciji BiH, Prijedlog Izmjena Budžeta Federacije BiH za 2008. godinu i Prijedlog Zakona o izmjenama i dopunama Zakona o izvršavanju Budžeta Federacije BiH za 2008. godinu.

Sa 30 glasova za, uz 18 glasova protiv i uz četiri uzdržana glasa, Dom naroda prihvatio je da se Prijedlog Izmjena Budžeta Federacije BiH za 2008. godinu uvrsti u dnevni red kao 1. tačka dnevnog reda.

Sa 30 glasova za, uz 12 glasova protiv i uz četiri uzdržana glasa, Dom naroda prihvatio je da se Prijedlog Zakona o izmjenama i dopunama Zakona o izvršavanju Budžeta Federacije BiH za 2008. godinu uvrsti u dnevni red kao 2. tačka dnevnog reda.

Sa 30 glasova za, uz 15 glasova protiv i uz tri uzdržana glasa, Dom naroda prihvatio je da se Prijedlog Zakona o izmjenama i dopunama Zakona o pripadnosti javnih prihoda u Federaciji BiH uvrsti u dnevni red kao 3. tačka dnevnog reda.

S obzirom na to da je izražena sumnja u rezultate glasanja, na osnovu rezultata poimeničnog glasanja koje je obavio sekretar Doma naroda Izmir Hadžić, predsjedavajući je konstatovao da Dom naroda nije prihvatio da se Prijedlog Zakona o izmjenama i dopunama Zakona o pripadnosti javnih prihoda u Federaciji BiH uvrsti u dnevni red, jer je za glasalo 29 delegata.

Nakon ovoga predsjedavajući je dao pauzu.

\* \* \*

Nakon pauze, predsjedavajući je rekao premijeru da Kolegij Doma naroda predlaže da se sa dnevnog reda povuku dvije već uvrštene tačke, jer bez tačke koja nije dobila potreban broj glasova nema smisla razmatrati ove tačke dnevnog reda, te da se one razmatraju na Vanrednoj sjednici zakazanoj za 29. april 2008. godine, što je premijer prihvatio.

Nakon toga predsjedavajući je pročitao prijedlog dnevnog reda i konstatovao da je Dom naroda Parlamenta Federacije BiH jednoglasno usvojio sljedeći:



**DNEVNI RED**

1. Nacrt Programa rada Doma naroda Parlamenta Federacije BiH za 2008. godinu;
2. Prijedlog Zakona o izmjenama i dopunama Zakona o utvrđivanju i načinu izmirenja unutrašnjih obaveza Federacije BiH - hitni postupak;
3. Prijedlog Zakona o izmjenama i dopunama Zakona o prostornom planiranju i korištenju zemljišta na nivou Federacije BiH - hitni postupak;
4. Nacrt Zakona o izmjenama i dopunama Zakona o prestanku primjene Zakona o napuštenim stanovima (predlagač: Jasmin Duvnjak, zastupnik u Predstavničkom domu);
5. Prijedlog Zakona o izmjenama i dopunama Zakona o pravima demobiliziranih branitelja i članova njihovih porodica (predlagač: Asim Mekić, delegat u Domu naroda) - skraćeni postupak;
6. Nacrt Zakona o izmjenama i dopunama Zakona o registraciji poslovnih subjekata u Federaciji BiH (predlagač: Klub zastupnika BPS-a Sefer Halilović u Predstavničkom domu);
7. Nacrt Zakona o sudskoj policiji Federacije BiH;
8.
  - a) Odluka o davanju saglasnosti za prihvatanje kreditnog sporazuma između Bosne i Hercegovine i Bank Austria Creditanstalt AG Beč za finansiranje Projekta vodosnabdijevanja Općine Posušje,
  - b) Odluka o davanju saglasnosti za zaključivanje Supsidijarnog kreditnog sporazuma između Bosne i Hercegovine i Federacije BiH za kredit Bank Austria Creditanstalt AG Beč za Projekt vodosnabdijevanja Općine Posušje,
  - c) Informacija o kreditu Bank Austria Creditanstalt Ag Beč (Austrija) za Projekt vodosnabdijevanja Općine Posušje,
  - d) Sporazum o kreditu između Bosne i Hercegovine zastupane po Ministarstvu finansija i trezora i Bank Austria Creditanstalt AG;
9.
  - a) Odluka o davanju saglasnosti za prihvatanje kredita Fonda za međunarodni razvoj OPEC za Projekt rekonstrukcije željeznica,
  - b) Odluka o davanju saglasnosti za zaključivanje Supsidijarnog kreditnog sporazuma između Federacije BiH i Bosne i Hercegovine za kredit Fonda za međunarodni razvoj (OPEC) za Projekt rekonstrukcije željeznica,
  - c) Informacija o kreditu Fonda za međunarodni razvoj (OPEC) za Projekt rekonstrukcije željeznica,
  - d) Projekt rekonstrukcije željeznica - dionica (I) Sarajevo - Bradina - Ugovor o kreditu između Bosne i Hercegovine i OPEC Fonda za međunarodni razvoj,
  - e) Projekt rekonstrukcije željeznica - dionica (I) Sarajevo - Bradina - Ugovor o Projektu između Federacije BiH i OPEC Fonda za međunarodni razvoj;

10. a) Odluka o davanju saglasnosti za prihvatanje kredita Kreditanstalt fur wiederaufbau Frankfurt na Majni (KfW) za Projekt obnove hidroelektrane Rama,
- b) Odluka o davanju saglasnosti za zaključivanje Supsidijarnog kreditnog sporazuma između Federacije BiH i Bosne i Hercegovine za kredit Kreditanstalt fur wiederaufbau Frankfurt na Majni (KfW) za Projekt obnove hidroelektrane Rama,
- c) Informacija o kreditu njemačke banke Kreditanstalt fur wiederaufbau Frankfurt na Majni (KfW) za Projekt obnove hidroelektrane Rama,
- d) Sporazum o zajmu, finansiranju i projektu između Kreditanstalt fur wiederaufbau Frankfurt na Majni (KfW) i Bosne i Hercegovine koju zastupa Ministarstvo finansija i trezora (zajmoprimac) i Federacije BiH koju zastupa Ministarstvo finansija i Elektroprivrede „HZ Herceg-Bosna” d.d. Mostar (izvršilac projekta) za obnovu hidroelektrane Rama;
11. Odluka o pristupanju izradi Regulacionog plana historijskog gradskog područja Mostar za period od 2007. do 2017. godine;
12. Prijedlog Odluke o izmjenama Odluke o utvrđivanju Igmana, Bjelašnice, Treskavice i kanjona rijeke Rakitnice (Visočica) područjem posebnih obilježja od značaja za Federaciju BiH;
13. Izvještaj Zajedničke komisije domova Parlamenta Federacije BiH za utvrđivanje Prijedloga Zakona o izmjenama i dopunama Zakona o šumama;
14. Izvještaj Zajedničke komisije domova Parlamenta Federacije BiH za utvrđivanje Prijedloga Zakona o preuzimanju prava i obaveza osnivača nad ustanovama socijalne zaštite u Federaciji BiH;
15. Izjašnjavaње o Prijedlogu Zakona o izmjenama i dopunama Zakona o prodaji stanova na kojima postoji stanarsko pravo;
16. Izbor i imenovanja.

Sjednica je prekinuta u 18.55.

## **NASTAVAK SJEDNICE OD 23. MAJA 2008. GODINE**

Sjednica je počela u 10.39.

Sjednici je predsjedavao Stjepan Krešić, predsjedavajući Doma naroda Parlamenta Federacije BiH.

Na početku sjednice predsjedavajući je pozdravio: delegate, ministre u Vladi Federacije, predstavnike udruženja branitelja, sindikata, međunarodnih organizacija, goste i predstavnike akreditiranih medijskih kuća koji prate rad sjednice.

Izostanak sa sjednice opravdao je Jasenko Tufekčić.

Na osnovu evidencije Stručne službe, predsjedavajući je konstatovao da sjednici prisustvuje 46 delegata, što čini većinu, te Dom naroda može raditi i punovažno odlučivati.

Predsjedavajući je podsjetio delegate da je dnevni red utvrđen na početku ove sjednice od 23. aprila 2008. godine i potom prešao na 1. tačku dnevnog reda.

### **1. Nacrt Programa rada Doma naroda Parlamenta Federacije BiH za 2008. godinu**

Nacrt Programa rada utvrdio je Kolegij Doma naroda.

Nacrt Programa rada razmatrala su nadležna radna tijela i dostavila svoje izvještaje.

U raspravi su učestvovali: Tomo Vidović, Mira Ljubijankić, Besim Imamović, Kenan Keserović, Nada Ćulap, Alija Begović, Muhamed Osmić i Svetozar Pudarić.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH jednoglasno usvojio sljedeći:

## **ZAKLJUČAK**

1. Dom naroda Parlamenta Federacije BiH prihvaća Nacrt Programa rada Doma naroda Parlamenta Federacije BiH za 2008. godinu.
2. Zadužuje se Kolegij Doma naroda da na osnovu primjedbi, prijedloga i sugestija sačini Prijedlog Programa rada za 2008. godinu.

### **2. Prijedlog Zakona o izmjenama i dopunama Zakona o utvrđivanju i načinu izmirenja unutrašnjih obaveza Federacije BiH**

Prijedlog Zakona utvrdila je Vlada Federacije.

Predstavnički dom je na 10. sjednici od 26.02.2008. godine usvojio Prijedlog Zakona u tekstu kako ga je predložila Vlada Federacije.

Prijedlog Zakona razmatrala su nadležna radna tijela i dostavila svoje izvještaje.

Prijedlog Zakona obrazložio je Tihomir Ćurak, pomoćnik federalnog ministra finansija.

U pretresu su učestvovali: Elvira Abdić-Jelenović, Tihomir Ćurak, Besim Imamović, Asim Mekić, Lidija Bradara, premijer Nedžad Branković, Svetozar Pudarić, Tomo Vidović. U pretresu je učestvovao i Muhamed Osmić, koji je podnio amandman od kojeg je kasnije odustao, s tim da Dom naroda donese zaključak.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 42 glasa za i uz jedan uzdržani glas,

usvojio Prijedlog Zakona o izmjenama i dopunama Zakona o utvrđivanju i načinu izmirenja unutrašnjih obaveza Federacije BiH, uz sljedeći:

## **Z A K L J U Č A K**

Obavezuje se Vlada Federacije BiH da, najkasnije do kraja jula 2008. godine, pripremi novi prijedlog izmjena i dopuna Zakona o utvrđivanju i načinu izmirenja unutrašnjih obaveza Federacije BiH na osnovu povučenog amandmana i rasprave na sjednici Doma naroda.

### **3. Prijedlog Zakona o izmjenama i dopunama Zakona o prostornom planiranju i korištenju zemljišta na nivou Federacije BiH**

Prijedlog Zakona utvrdila je Vlada Federacije.

Predstavnički dom je na 10. sjednici od 26.02.2008. godine usvojio Prijedlog Zakona u tekstu kako ga je predložila Vlada Federacije.

Prijedlog Zakona razmatrala su nadležna radna tijela i dostavila svoje izvještaje.

U pretresu nije niko učestvovao.

Na osnovu rezultata poimeničnog glasanja koje je obavio Izmir Hadžićević, sekretar Doma naroda, predsjedavajući je konstatovao da je Dom naroda Parlamenta Federacije BiH, sa 35 glasova za i uz devet uzdržanih glasova, usvojio Prijedlog Zakona o izmjenama i dopunama Zakona o prostornom planiranju i korištenju zemljišta na nivou Federacije BiH.

### **4. Nacrt Zakona o izmjenama i dopunama Zakona o prestanku primjene Zakona o napuštenim stanovima**

Predlagač Zakona je Jasmin Duvnjak, zastupnik u Predstavničkom domu.

Predsjedavajući je podsjetio delegate da je u prethodnom postupku, prilikom utvrđivanja dnevnog reda, odlučeno da se Zakon razmatra u redovnoj proceduri, tj. u formi nacrta.

Predstavnički dom je na nastavku 11. sjednice od 28.03.2008. godine usvojio Prijedlog Zakona u tekstu kako ga je predložio predlagač.

Zakon su u formi prijedloga Zakona razmatrala nadležna radna tijela koja su dostavila svoje izvještaje.

Prijedlog Zakona obrazložio je Jasmin Duvnjak.

U pretresu su učestvovali: Ivo-Iva Tadić, Tomo Vidović, Josip Perić, Jasmin Duvnjak i Dženana Zlatar.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 34 glasa za i uz 11 uzdržanih glasova, usvojio sljedeći:

## ZAKLJUČAK

1. Dom naroda Parlamenta Federacije BiH prihvata Nacrt Zakona o izmjenama i dopunama Zakona o prestanku primjene Zakona o napuštenim stanovima i smatra da može poslužiti kao osnova za izradu prijedloga Zakona.
2. Zadužuje se predlagač da prilikom izrade prijedloga Zakona ima u vidu prijedloge, primjedbe i sugestije iznesene na sjednici.

### **5. Prijedlog Zakona o izmjenama i dopunama Zakona o pravima demobiliziranih branitelja i članova njihovih porodica**

Predlagač Zakona je Asim Mekić, delegat u Domu naroda.

Predstavnički dom je na nastavku 10. sjednice od 27.02.2008. godine usvojio Prijedlog Zakona sa amandmanom predlagača Zakona, koji se odnosi na član 2. i amandmanom koji je predlagač prihvatio, a koji se odnosi na dodavanje novog člana 2., pa su postali sastavni dio Prijedloga Zakona.

Prijedlog Zakona razmatrala su nadležna radna tijela i dostavila svoje izvještaje.

Prijedlog Zakona obrazložio je Asim Mekić.

U pretresu nije niko učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 39 glasova za i uz dva uzdržana glasa, usvojio Prijedlog Zakona o izmjenama i dopunama Zakona o pravima demobiliziranih branitelja i članova njihovih porodica.

Nakon toga Domu naroda se obratio predstavnik Saveza ratnih vojnih invalida Bosne i Hercegovine i zahvalio delegatima što su usvojili Prijedlog Zakona.

### **6. Nacrt Zakona o izmjenama i dopunama Zakona o registraciji poslovnih subjekata u Federaciji BiH**

Predlagač Zakona je Klub zastupnika BPS-a Sefer Halilović u Predstavničkom domu.

Predstavnički dom je na nastavku 10. sjednice od 27.02.2008. godine razmatrao Zakon u formi nacrtu i Zaključkom ga prihvatio.

Zakon su u formi prijedloga Zakona razmatrala nadležna radna tijela koja su dostavila svoje izvještaje.

S obzirom na to da predstavnik predlagača nije prisustvovao sjednici ova tačka je skinuta sa dnevnog reda i njeno razmatranje je odgođeno.

## 7. Nacrt Zakona o sudskoj policiji Federacije BiH

Nacrt Zakona utvrdila je Vlada Federacije.

Predstavnički dom je na nastavku 10. sjednice od 27.02.2008. godine razmatrao Nacrt Zakona i Zaključkom ga prihvatio.

Nacrt zakona razmatrala su nadležna radna tijela i dostavila svoje izvještaje.

Nacrt Zakona obrazložio je Hidajet Halilović, pomoćnik federalnog ministra pravde.

U pretresu su učestvovali Kenan Keserović, Hidajet Halilović i Tomo Vidović.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH jednoglasno usvojio sljedeći:

### ZAKLJUČAK

1. Dom naroda Parlamenta Federacije BiH prihvata Nacrt Zakona o sudskoj policiji Federacije BiH i smatra da može poslužiti kao osnova za izradu prijedloga Zakona.
  2. Zadužuje se Vlada Federacije BiH da prilikom izrade prijedloga Zakona ima u vidu prijedloge, primjedbe i sugestije iznesene na sjednici.
8. a) **Odluka o davanju saglasnosti za prihvatanje kreditnog sporazuma između Bosne i Hercegovine i Bank Austria Creditanstalt AG Beč za finansiranje Projekta vodosnabdijevanja Općine Posušje**
- b) **Odluka o davanju saglasnosti za zaključivanje Supsidijarnog kreditnog sporazuma između Bosne i Hercegovine i Federacije BiH za kredit Bank Austria Creditanstalt AG Beč za Projekt vodosnabdijevanja Općine Posušje**
- c) **Informacija o kreditu Bank Austria Creditanstalt Ag Beč (Austrija) za Projekt vodosnabdijevanja Općine Posušje**

Odluke je donijela Vlada Federacije i dostavila ih Parlamentu Federacije radi razmatranja i odobrenja.

Predstavnički dom je na nastavku 10. sjednice od 27.02.2008. godine odobrio ove odluke.

Odluke su razmatrala nadležna radna tijela i dostavila svoje izvještaje.

Odluke je obrazložio Enver Trepčić, pomoćnik federalnog ministra finansija.

Potpredsjedavajući Doma naroda Besim Imamović, koji je tada predsjedavao sjednicom, predložio je da se o odlukama vodi zajednička rasprava a izjašnjavanje obavi pojedinačno, što su delegati prihvatili.

U raspravi je učestvovao Svetozar Pudarić.

**a) Odluka o davanju saglasnosti za prihvatanje kreditnog sporazuma između Bosne i Hercegovine i Bank Austria Creditanstalt AG Beč za finansiranje Projekta vodosnabdijevanja Općine Posušje**

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 33 glasa za i uz jedan uzdržani glas, odobrio Odluku o davanju saglasnosti za prihvatanje kreditnog sporazuma između Bosne i Hercegovine i Bank Austria Creditanstalt AG Beč za finansiranje Projekta vodosnabdijevanja Općine Posušje.

**b) Odluka o davanju saglasnosti za zaključivanje Supsidijarnog kreditnog sporazuma između Bosne i Hercegovine i Federacije BiH za kredit Bank Austria Creditanstalt AG Beč za Projekt vodosnabdijevanja Općine Posušje**

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 33 glasa za i uz jedan uzdržani glas, odobrio Odluku o davanju saglasnosti za zaključivanje Supsidijarnog kreditnog sporazuma između Bosne i Hercegovine i Federacije BiH za kredit Bank Austria Creditanstalt AG Beč za Projekt vodosnabdijevanja Općine Posušje.

**c) Informacija o kreditu Bank Austria Creditanstalt Ag Beč (Austrija) za Projekt vodosnabdijevanja Općine Posušje**

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH jednoglasno, sa 36 glasova, usvojio sljedeći:

## **ZAKLJUČAK**

Dom naroda Parlamenta Federacije BiH prima na znanje Informaciju o kreditu Bank Austria Creditanstalt Ag Beč (Austrija) za Projekt vodosnabdijevanja Općine Posušje.

9. a) Odluka o davanju saglasnosti za prihvatanje kredita Fonda za međunarodni razvoj OPEC za Projekt rekonstrukcije željeznica
- b) Odluka o davanju saglasnosti za zaključivanje Supsidijarnog kreditnog sporazuma između Federacije BiH i Bosne i Hercegovine za kredit Fonda za međunarodni razvoj (OPEC) za Projekt rekonstrukcije željeznica
- c) Informacija o kreditu Fonda za međunarodni razvoj (OPEC) za Projekt rekonstrukcije željeznica

Odluke je donijela Vlada Federacije i dostavila ih Parlamentu Federacije radi razmatranja i odobrenja.

Predstavnički dom je na nastavku 10. sjednice od 27.02.2008. godine odobrio ove odluke.

Odluke su razmatrala nadležna radna tijela i dostavila svoje izvještaje.

Odluke je obrazložio Enver Trepčić, pomoćnik federalnog ministra finansija.

Predsjedavajući Doma naroda Stjepan Krešić, koji je tada predsjedavao sjednicom, predložio je da se o odlukama vodi zajednička rasprava a izjašnjavaње obavi pojedinačno, što su delegati prihvatili.

U raspravi nije niko učestvovao.

#### **a) Odluka o davanju saglasnosti za prihvatanje kredita Fonda za međunarodni razvoj OPEC za Projekt rekonstrukcije željeznica**

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 39 glasova za i uz jedan uzdržani glas, odobrio Odluku o davanju saglasnosti za prihvatanje kredita Fonda za međunarodni razvoj OPEC za Projekt rekonstrukcije željeznica.

#### **b) Odluka o davanju saglasnosti za zaključivanje Supsidijarnog kreditnog sporazuma između Federacije BiH i Bosne i Hercegovine za kredit Fonda za međunarodni razvoj (OPEC) za Projekt rekonstrukcije željeznica**

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 38 glasova za i dva uzdržana glasa, odobrio Odluku o davanju saglasnosti za zaključivanje Supsidijarnog kreditnog sporazuma između Federacije BiH i Bosne i Hercegovine za kredit Fonda za međunarodni razvoj (OPEC) za Projekt rekonstrukcije željeznica.

#### **c) Informacija o kreditu Fonda za međunarodni razvoj (OPEC) za Projekt rekonstrukcije željeznica**

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH jednoglasno usvojio sljedeći:

### **ZAKLJUČAK**

Dom naroda Parlamenta Federacije BiH prima na znanje Informaciju o kreditu Fonda za međunarodni razvoj (OPEC) za Projekt rekonstrukcije željeznica.



10. a) **Odluka o davanju saglasnosti za prihvatanje kredita Kreditanstalt fur wiederaufbau Frankfurt na Majni (KfW) za Projekt obnove hidroelektrane Rama**
- b) **Odluka o davanju saglasnosti za zaključivanje Supsidijarnog kreditnog sporazuma između Federacije BiH i Bosne i Hercegovine za kredit Kreditanstalt fur wiederaufbau Frankfurt na Majni (KfW) za Projekt obnove hidroelektrane Rama**
- c) **Informacija o kreditu njemačke banke Kreditanstalt fur wiederaufbau Frankfurt na Majni (KfW) za Projekt obnove hidroelektrane Rama**

Odluke je donijela Vlada Federacije i dostavila ih Parlamentu Federacije radi razmatranja i odobrenja.

Predstavnički dom je na nastavku 10. sjednice od 28.02.2008. godine odobrio ove odluke i tom prilikom usvojio Zaključak.

Odluke su razmatrala nadležna radna tijela i dostavila svoje izvještaje.

Predsjedavajući je predložio da se o odlukama vodi zajednička rasprava a izjašnjavanje obavi pojedinačno, što su delegati prihvatili.

U raspravi je učestvovao Besim Imamović.

- a) **Odluka o davanju saglasnosti za prihvatanje kredita Kreditanstalt fur wiederaufbau Frankfurt na Majni (KfW) za Projekt obnove hidroelektrane Rama**

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 41 glasom za i uz jedan uzdržani glas, odobrio Odluku o davanju saglasnosti za prihvatanje kredita Kreditanstalt fur wiederaufbau Frankfurt na Majni (KfW) za Projekt obnove hidroelektrane Rama.

- b) **Odluka o davanju saglasnosti za zaključivanje Supsidijarnog kreditnog sporazuma između Federacije BiH i Bosne i Hercegovine za kredit Kreditanstalt fur wiederaufbau Frankfurt na Majni (KfW) za Projekt obnove hidroelektrane Rama**

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 40 glasova za i uz dva uzdržana glasa, odobrio Odluku o davanju saglasnosti za zaključivanje Supsidijarnog kreditnog sporazuma između Federacije BiH i Bosne i Hercegovine za kredit Kreditanstalt fur wiederaufbau Frankfurt na Majni (KfW) za Projekt obnove hidroelektrane Rama.

**c) Informacija o kreditu njemačke banke Kreditanstalt für Wiederaufbau Frankfurt na Majni (KfW) za Projekt obnove hidroelektrane Rama**

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH jednoglasno usvojio sljedeći:

**ZAKLJUČAK**

Dom naroda Parlamenta Federacije BiH prima na znanje Informaciju o kreditu njemačke banke Kreditanstalt für Wiederaufbau Frankfurt na Majni (KfW) za Projekt obnove hidroelektrane Rama.

**11. Odluka o pristupanju izradi Regulacionog plana historijskog gradskog područja Mostar za period od 2007. do 2017. godine**

Odluku je utvrdila Vlada Federacije i dostavila je Parlamentu Federacije radi razmatranja i donošenja.

Predstavnički dom je na nastavku 9. sjednice od 20.02.2008. godine donio Odluku u tekstu kako ju je predložila Vlada Federacije.

Odluku su razmatrala nadležna radna tijela i dostavila svoje izvještaje.

Odluku je obrazložio predstavnik Vlade Federacije.

U raspravi su učestvovali Snježana Milavić, predstavnik Vlade Federacije i Asim Mekić. U raspravi je učestvovao i Igor Rajner, koji je predložio da se u tački XII. Odluke rok za obavještanje o stanju u prostoru skрати na dvije godine. S obzirom na to da predstavnik Vlade Federacije ovaj prijedlog nije prihvatio, jer je suprotan Zakonu o prostornom planiranju i korištenju zemljišta na nivou Federacije BiH, Asim Mekić i Igor Rajner predložili su da se donese Zaključak, koji je predsjedavajući dao na glasanje i konstatovao da je Dom naroda Parlamenta Federacije BiH jednoglasno usvojio sljedeći:

**ZAKLJUČAK**

Obavezuje se Vlada Federacije BiH, odnosno Federalno ministarstvo prostornog uređenja da najkraće u roku od dvije godine informira Parlament Federacije BiH o stanju u prostoru.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH jednoglasno donio Odluku o pristupanju izradi Regulacionog plana historijskog gradskog područja Mostar za period od 2007. do 2017. godine.

## **12. Prijedlog Odluke o izmjenama Odluke o utvrđivanju Igmana, Bjelašnice, Treskavice i kanjona rijeke Rakitnice (Visočica) područjem posebnih obilježja od značaja za Federaciju BiH**

Predsjedavajući je podsjetio delegate da je na početku 9. sjednice od 27.11.2007. godine obavljena rasprava o Prijedlogu Odluke, a izjašnjenje odgođeno za nastavak sjednice dok se Vlada Federacije ne izjasni o podnesenom amandmanu.

Na Prijedlog Odluke amandman na stav 2. u tački I. podnio je Mirsad Pindžo, koji je naknadno povukao amandman, jer je amandman sličnog sadržaja Vlada Federacije prihvatila u Predstavničkom domu pa je postao sastavni dio Prijedloga Odluke.

Naknadno je Vlada Federacije dostavila svoj amandman, koji je postao sastavni dio Prijedloga Odluke.

### **Amandman**

Iza tačke IV. Odluke o utvrđivanju Igmana, Bjelašnice, Treskavice i kanjona rijeke Rakitnice (Visočica) područjem posebnih obilježja od značaja za Federaciju BiH dodaje se nova tačka IVa., a koja glasi:

«Na području ograničenom granicama iz ove Odluke izgradnju građevina i drugih zahvata u prostoru odobrava Federalno ministarstvo prostornog uređenja i općinski organi nadležni za prostorno uređenje u skladu sa odredbama Zakona o prostornom planiranju i korištenju zemljišta na nivou Federacije Bosne i Hercegovine («Službene novine Federacije BiH», br. 2/06 i 72/07) i drugim podzakonskim aktima.»

Dosadašnja tačka III. postaje tačka IV.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 40 glasova za, uz jedan glas protiv i uz tri uzdržana glasa, donio Odluku o izmjenama Odluke o utvrđivanju Igmana, Bjelašnice, Treskavice i kanjona rijeke Rakitnice (Visočica) područjem posebnih obilježja od značaja za Federaciju BiH.

Prema tome, Prijedlog Odluke donesen je u različitom tekstu u oba doma Parlamenta Federacije, pa ga je **potrebno usaglasiti**.

## **13. Izvještaj Zajedničke komisije domova Parlamenta Federacije za utvrđivanje Prijedloga Zakona o izmjenama i dopunama Zakona o šumama**

Prijedlog Zakona o izmjenama i dopunama Zakona o šumama usvojen je u Predstavničkom domu 17.10.2005. godine sa pet amandmana koje je Vlada Federacije prihvatila i tri amandmana koje je Predstavnički dom izglasao. Dom naroda je 19.11.2005. godine usvojio Prijedlog Zakona sa jednim amandmanom koji Vlada Federacije nije prihvatila, a nije usvojio tri amandmana Predstavničkog doma koja ni Vlada Federacije nije prihvatila.

S obzirom na to da Zajednička komisija za usaglašavanje različito izglasanih tekstova prijedloga zakona nije uspjela usaglasiti Prijedlog Zakona, premijer Federacije formirao je Zajedničku komisiju sastavljenu od članova oba doma Parlamenta Federacije i dostavio Izvještaj sa prijedlogom za rješenje spornih pitanja. Premijer je Predstavničkom domu predložio da odustane od tri amandmana koje Vlada Federacije nije prihvatila, a da Dom naroda odustane od jednog amandmana koji Vlada Federacije, također, nije prihvatila.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 36 glasova za, uz sedam glasova protiv i uz tri uzdržana glasa, prihvatio prijedlog premijera i **odustao** od svog amandmana.

Također, Dom naroda je, sa 36 glasova za, uz šest glasova protiv i uz četiri uzdržana glasa, usvojio zaključke sadržane u Izvještaju premijera.

#### **14. Izvještaj Zajedničke komisije domova Parlamenta Federacije za utvrđivanje Prijedloga Zakona o preuzimanju prava i obaveza osnivača nad ustanovama socijalne zaštite u Federaciji BiH**

Prijedlog Zakona o preuzimanju prava i obaveza osnivača nad ustanovama socijalne zaštite u Federaciji BiH usvojen je u Predstavničkom domu 05.09.2007. godine sa četiri amandmana koje je Vlada Federacije prihvatila i tri amandmana koje je Predstavnički dom izglasao. Dom naroda je 18.09.2007. godine usvojio Prijedlog Zakona sa amandmanima Predstavničkog doma koje je Vlada Federacije prihvatila, ali nije usvojio tri amandmana Predstavničkog doma koja ni Vlada Federacije nije prihvatila.

S obzirom na to da prijedlog za rješenje spornih pitanja Zajedničke komisije za usaglašavanje različito izglasanih tekstova prijedloga zakona Predstavnički dom nije prihvatio, premijer Federacije formirao je Zajedničku komisiju sastavljenu od članova oba doma Parlamenta Federacije i dostavio Izvještaj sa prijedlogom za rješenje spornih pitanja, kojim predlaže Predstavničkom domu da odustane od tri amandmana koje Vlada Federacije nije prihvatila.

Predstavnički dom je na nastavku 11. sjednice od 08.04.2008. godine prihvatio prijedlog premijera i odustao od svoja tri amandmana.

S obzirom na to da je Dom naroda usvojio Prijedlog Zakona u tekstu kako ga je predložio premijer, Dom naroda se izjašnjavao samo o zaključcima sadržanim u Izvještaju premijera.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH jednoglasno usvojio zaključke sadržane u Izvještaju premijera.

Time je Prijedlog Zakona usvojen u istovjetnom tekstu u oba doma Parlamenta Federacije.

## **15. Izjašnjavanje o Prijedlogu Zakona o izmjenama i dopunama Zakona o prodaji stanova na kojima postoji stanarsko pravo**

Predsjedavajući je podsjetio delegate da je na početku 9. sjednice od 27.11.2007. godine obavljena rasprava o Prijedlogu Zakona, a izjašnjavanje odgođeno za nastavak sjednice dok se Vlada Federacije ne izjasni o podnesenim amandmanima Kluba delegata bošnjačkog naroda i Zaima Imamovića.

Vlada Federacije dostavila je pisano izjašnjenje kojim je prihvatila Amandman I. u cjelini i djelimično prihvatila Amandman II. koje je podnio Klub delegata bošnjačkog naroda, dok amandman Zaima Imamovića nije prihvatila.

S obzirom na to da Zaim Imamović nije prisustvovao sjednici i nije se mogao izjasniti da li odustaje od amandmana, predsjedavajući je predložio da se izjašnjavanje o amandmanu i Zakonu odgode za nastavak sjednice, što su delegati prihvatili.

## **16. Izbor i imenovanja**

### **a) Prijedlog Odluke o izmjenama Odluke o izboru predsjednika, zamjenika predsjednika i članova radnih tijela Doma naroda Parlamenta Federacije BiH**

Prijedlog Odluke utvrdila je Komisija za izbor i imenovanja.

U raspravi nije niko učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH jednoglasno donio Odluku o izmjenama Odluke o izboru predsjednika, zamjenika predsjednika i članova radnih tijela Doma naroda Parlamenta Federacije BiH i to:

- u Zakonodavno-pravnoj komisiji, Jasenka Tufekčića, predsjednika Komisije, zbog dužeg odsustvovanja zbog bolesti, privremeno zamjenjuje **Alija Begović**,

- u Zakonodavno-pravnoj komisiji, zbog smrti Avde Čampare, iz reda stručnih, naučnih, kulturnih i javnih radnika imenuje se **prof. dr. Omer Ibrahimagić**.

- u Administrativnoj komisiji, Jasenka Tufekčića, zbog dužeg odsustvovanja zbog bolesti, privremeno zamjenjuje **Alija Begović**.

## **b) Prijedlog Odluke o potvrđivanju Odluke o imenovanju zamjenika federalnog pravobranioca**

Odluku o imenovanju zamjenika federalnog pravobranioca donio je premijer Federacije, uz saglasnost zamjenika premijera Federacije i dostavio je Parlamentu Federacije radi potvrđivanja.

Komisija za izbor i imenovanja razmatrala je Odluku i pripremila Prijedlog Odluke o potvrđivanju Odluke o imenovanju zamjenika federalnog pravobranioca.

U raspravi nije niko učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH jednoglasno donio Odluku o potvrđivanju Odluke o imenovanju zamjenika federalnog pravobranioca kojom su za zamjenike federalnog pravobranioca imenovani: **Spomenko Jukić, Jakov Dujić, Enver Smajkan i Inda Ažman.**

Sjednica je prekinuta u 16.55.

\* \* \*

## **NASTAVAK SJEDNICE OD 29. MAJA 2008. GODINE**

Sjednica je počela u 10.47.

Sjednici je predsjedavao Stjepan Krešić, predsjedavajući Doma naroda Parlamenta Federacije BiH.

Na početku sjednice predsjedavajući je pozdravio: delegate, potpredsjednicu Federacije Spomenku Mičić ministre u Vladi Federacije, predstavnike udruženja, međunarodnih organizacija, goste i predstavnike akreditiranih medijskih kuća koji prate rad sjednice.

Izostanak sa sjednice opravdao je Jasenko Tufekčić.

Na osnovu evidencije Stručne službe, predsjedavajući je konstatovao da sjednici prisustvuje 41 delegat, što čini većinu, te Dom naroda može raditi i punovažno odlučivati.

Predsjedavajući je podsjetio delegate da je izjašnjavaње o **Prijedlogu Zakona o izmjenama i dopunama Zakona o prodaji stanova na kojima postoji stanarsko pravo** odgođeno dok se Zaim Imamović ne izjasni da li prihvata izjašnjenje Vlade Federacije ili ostaje pri njemu.

S obzirom na to da je Zaim Imamović izjavio da ne odustaje od amandmana i da je odlučeno da se Prijedlog Zakona razmatra po proceduri predviđenoj za vitalni nacionalni interes i o amandmanu se glasalo prema istoj proceduri.

Predsjedavajući je, na osnovu rezultata glasanja, konstatovao sljedeće:

- amandman je dobio potrebnu većinu Kluba delegata bošnjačkog naroda, jer je za njega glasalo 10 delegata, a jedan je bio uzdržan,
- amandman nije dobio potrebnu većinu Kluba delegata hrvatskog naroda, jer su za njega glasala tri delegata, dva su bila protiv, a devet je bilo uzdržano,
- amandman nije dobio potrebnu većinu Kluba delegata srpskog naroda, jer su za njega glasala dva delegata, a 12 je bilo uzdržano.

Amandman nije dobio potrebnu većinu glasova ni Doma naroda u cjelini, jer je za glasalo 17 delegata, dva su bila protiv, a 23 su bila uzdržana.

Nakon toga delegati su se izjašnjavali o Prijedlogu Zakona.

Na osnovu rezultata glasanja, predsjedavajući je konstatovao sljedeće:

- Prijedlog Zakona nije dobio potrebnu većinu Kluba delegata bošnjačkog naroda, jer su za njega glasala tri delegata, šest je bilo protiv, a dva su bila uzdržana,
- Prijedlog Zakona dobio je potrebnu većinu Kluba delegata hrvatskog naroda, jer je za njega glasalo 14 delegata,
- Prijedlog Zakona dobio je potrebnu većinu Kluba delegata srpskog naroda, jer je za njega glasalo 11 delegata, a četiri delegata su bila uzdržana.

Nakon toga Dom naroda se u cjelini izjašnjavao o Prijedlogu Zakona.

Na osnovu rezultata poimeničnog glasanja, koje je zbog sumnje u rezultate glasanja obavio Izmir Hadživdić, sekretar Doma naroda, predsjedavajući je konstatovao da je Dom naroda Parlamenta Federacije BiH, sa 31 glasom za, uz šest glasova protiv i uz 12 uzdržanih glasova, usvojio Prijedlog Zakona o izmjenama i dopunama Zakona o prodaji stanova na kojima postoji stanarsko pravo.

Sjednica je završena u 11.07.

Transkript sa sjednice čini sastavni dio Zapisnika.

SEKRETAR

Izmir Hadživdić

PREDSJEDAVALAČI

Stjepan Krešić